

6-7'

2505

...  
...  
...  
...

UM d' LI A C H T Z E I T !

eine Sendung von und mit Harry Harrant.

für 5.XII.U.K.W.

Unter Verwendung von Beiträgen von: (Reihenfolge)

- Hans Klöpfer, (Nikolo)
- Franz Albert, Payerbach, Adventzeit.
- <sup>an dem R. immer.</sup> Anton Reidinger: D'Rockaroas. <sup>W. unter.</sup>
- Karl Zeitlinger: Glückselige Eicht.

21' min

Sprecher:(Z) Um die Liachtzeit, war dos heut im Dorf a Gachraa!  
 Is da Bartl umgongg und da Bischof a;  
 hot koa Kind si mehr in d' Finstanaußitrat,  
 hant in Stüberl drei zan betn g'schaut.  
 Schworz und zodat, wia a recht a wilda Bär  
 topt da Bartl in da Goßn zerscht daher,  
 rofflt mit dö Kettn, pumpat an de Tür,  
 springg ins Haus und zoagg a lonki Ruatn für.  
 Hätt 'N Webersimmerl bold in't Kraxn gspiert  
 -und 'n Micherl is a kloans Malär poßiert!  
 Wann i g'wißt net hätt, es muaß da Bartl sei',  
 hätt i g'schworn, da Forstadjunkt stöçt drei' .  
 Auf und auf voll Silba, inra lonkn Pfoad,  
 olt und mit an schneewerlweißn Bart  
 is da Bischof gwäin mit sein krumpn Stob;  
 - und, was i danebn no g'segn hob,  
 mit an feinan Nasal und zwoa blowi Augn,  
 wia si sigt nua für a junges Deandl taugn.  
 Hat die Kinda ausg'fragg, toalt an Lezold aus,  
 wia holt just ~~MAXXXX~~ aktrat da hali Nikolaus.  
 Und sowul i sist recht kristngläubi bin -  
 i hätt g'moant, es is die junge Lehrerin.  
 Wia's von lestn Keuscherl wieda hoanzuagehn,  
 hebbs zan schneibn an, dick und wunnaschön!  
 Und da Bartl legg sei schworzi Schouffellhüll  
 üban silban Bischof seini Axln still;  
 Holba neuni schlogg vom Turm die Kirchnuhr  
 und das Dörfal ligg in Fried und Ruah.

Intan Schulhaus, s' olti Muattagotteskreuz  
mit sein Schindldacherl woar vaschniebn bereits.  
A Loterndl brinnt davor no hell und warm -  
und die Himmlmuatta hobb ihr Kind im Arm  
wia za Maiandocht.....

und unta d' Lindn just -  
hat da Bischof still 'n Bartl bußt! (Hans Klöpfer)

Musik: Band:.....

Sprecher:(Z) Wanns recht waht und wödat draußtn,  
als wollts dö Wöd scho ganz vaschneibn,  
{ sagt mei Ahnl: "Bua, schau außi -  
{ d' Engal tan heunt Briafal schreibn!"/  
{ Und i siags. / Vütausnd Briafal  
{ fliagn daher wia d' Apflblüh,  
{ falln vom Hinnö, / - aba lösn  
{ liabe Ahnl / kann i's nia. - - -  
{ Hoamli pfugatz s' alte Müadal  
{ hi zu mir auf's Fenstabrött -  
und i trauat ma fast z' wettn,  
{ lösn / kann si's säba nöt. - -  
→ Aba na, / denn hiatzt fangt d' Ahnl  
{ so a Briafal winzi kloa --  
und sagt: "Bua, / schau her, / was siagst denn?"  
① "No, / a Sterndal, wia i moa!"  
Han auf's kloane Sterndal hi'g'schaut,  
{ bis's a Wassatropfn war. - - - -  
{ "Siagst," / sagt d' Ahnl, "unsa Löbn  
{ gleich dem Briafal ganz und gar, /  
{ kinnt vom Hinnö, / glanzt und glitzet,  
{ leucht als Sterndal, wia ma moant,  
{ z'letzt / bleibt nua a Wassatropfn  
{ den oan d' Liab in's Grab nachwoant! " (August Riener)

Musik: Band:.....

Sprecher:(Z) Langmächtig sand d' Nacht, s' wird mei Lebta nüt Tag,  
D' Stubn is schö warm, das ma außi nit nag,  
schneeweiß is da Gartn, d' Wiesn, da Wald,  
ums Haus unadum waht da Wind a wegg kalt.  
D' Schneeflockerl tanzn so lusti und munter,  
dicht aufanonda, / schö' drüba und drunter,  
draußt is's no finsta, / s' is recht zeitli fruah,  
a Liachterl siagst funzln in Kirchaweg zua.  
S' Glöckerl vom Turm <sup>ruaft zan</sup> ~~hääääääää~~ Betläutn scho,  
dös hört si so friedli, so feierli o' .  
Vom Kirchator außi klingt s' heilige Liad,

(Fr. Albert) hiatzt g'spürt ma's scho hoamli, / daß's Weihnachtn wird!

Musik: Band:.....

Sprecher:(Z) Woazschölln, Födanschleißn, Spinna,  
Alta Brauch, um d' Liachtzeit to', (getan)  
daß es wiederum werd's inna,  
schliaß' ma'd' Rockaroas hiatzt o' (an)

Das is a Güatät, / wanns draußn recht schneibt und wödat und wacht.

Wann ma drinnat / ban Ofn, / ban warma sitzt und so plaudat.

Kimmt's Advent scho daher, und mia ham no koa Rockaroas g'haltn!

Wa do a Schönd, / wann önda Leut ehenda hätt'n a Tanzal!

San ma do sunst ollmal dö erschn gwön inta olln!

Mentscha und Buama, / hiaz richts enk; / in Iritag wirds gen zan tanzn! /

Tua nöt lang wartn, / i loß glei min Roßbuan dö Nochbaschoft lodn.

Is a grundgscheita Bua / mei Lippal und laßt si guat braucha.

Woaß a recht g'schmachige Sprücherl ban Ladna. / Dös g'fallt aft n' Leutn!

Gach is da Iritag da, drum hams dö Dirndl sö trabi.

D' Stubn wird g'waschn und g'strigt und d' Fensta müassn grad spiagn!

War ja a damische Schand, wann nöt ollas wa sauba und reinli!

Schnee und Költn hats gnua und da Wind macht kniatiafe G'wadn,

Z'samt dem kemman d' Nochban vümächti mit eahnare Rockan.....

Sprecher: D' Bäurin paßt scho ban Tor und gibt eah a freundlich<sup>s</sup> Gr<sup>ü</sup>aß  
Gott  
Weißt's aft in d' Stubn und zoagt glei an iadn sein Platz u. sein Sitz.  
Gsch<sup>n</sup>adat und plauscht wird, bald dös und bald das, /aft a Liadl a gsunga.  
Lied:Band:..... *Wipf samol a Liadl a jünfrig's*

Sprecher:(Z)

Wird eah d' Gurgl aft trucka, greifns um's Krüagl und machn an herzhaftn  
Trunk von mein Mösterl. / D' Bäurin wart'eahna auf mit Krapfn und allahand  
Bachtn / und langsam scho plangts eah ums tanzn. KäKkKk

S' sitzn und s' hocka, dös wü eah hiatzt gar neama paßn.....  
Feirand wird g'macht / und d' Rockan stöllns eini in d' Kammen;  
D'Stubn wird g'rammt. Da Tisch und d'Sessl und d' Fürbank muaß außi,  
Platz gnua is für d' lustinga Leut zan Tanzn und Späinga. .....  
Gahlings hört ma, /weils stad is, vo weitn her wunaliab blasn. (Musik)  
darunter)  
D' Spüleut keman, schreit da Hansl, /sö blasn scho ona! Bd:.....  
Drobn auf da Bänk hams eahn Platz zan Geigna und Stampfn,  
Huckn si aufi - und los gehts min Tanz! (Musik, Band:.....voll.)

Sprecher:(Z)

D'Tanzln san aus: /Aft gengan dö Altn schö z'ruck in eah Kamma,  
Lusti und freudi geht d' Roas ausanonda.....  
D' Manna und Weiba beurlaubn si z'erscht ban freundlinga Hausherrn,  
dankn gar schö für dö guate Bewirtung und groß Untaholtung.  
D' Buama und Dirndln sogh a nu "Vagölts Gott" und machn si firti.  
Außi werns blasn aft /d' Leut allesanda, /dö Altn und Junga.....  
Musik, Band: ..... Voll und ausspielen. (oder wenn Zeit etwas zurückge-  
hen für Abschluß)

Sprecher: Glückselige Eicht,  
wann d' Finstanus weicht,  
wann da Nöbö vaschwindt,  
wann ma's Liacht wieda findt!

Musik voll auf und ausspielen.

E n d e .